



97 57

灌園餘事 卷六

日中雪

歲在庚午春元旦逢初晴風軟不鳴樹雲斂海
 山清暖日正亭午飄颻雪華生繁絮媚春暉盤
 旋匝地輕可是祈穀日降茲五穀精或疑新正
 破剪彩散江城霏霏玉屑光若木倍生明我聞
 花六出陰氣凝以成陰氣亮已凝陽威不並行
 紛紛晝復暮蔀屋成詫驚小臣何惶恐長跪覘
 帝情帝情不可測扶桑落素英欲掃星無蒂欲
 灌園餘事 卷六 一 夢緝亭

元夜值雨

燈市黑如漆寥閨扃門蚤細雨濕九枝陰雲籠
 七寶倏忽風霆作猛向山窓繞心定神無怖簞
 燈翻舊草獨坐黯魂銷漫漫天不曉

檢詩

癸亥前詩草志存京邸予以狼狽歸里都弗能記憶問有
 記憶者錄之餘盡除去越七年室人自京來并携舊草為
 質重圓之慶不獨在阿鸞
 矣因誌次舊集感而賦此

心光不肖没天付有心人携草來千里簪花隔
 幾春刪餘都警魄讀罷一傷神蚤信詩名在還

憐露鬢新

閉戶

閉戶竟何事春曦隙影斜著書頻易草覓句獨
看花邊幅空千古精神自一家不知天壤內誰
識鼓琴牙

送別汪殿臣

昔年深結愛此日重分離江上孤帆去天涯曉
夢隨不負生前託難忘別後期再會應無恙悠
悠雲樹思

夢中

灌園餘事

卷六

二

夢繡亭

百計難回瓦裂身枉教忍辱學同塵夢中尚不
能容我何況炎涼世上人

指天誓日對星辰稍有陰邪合喪身魂夢不知
誰管領也隨衆口訕賢人

松壽山值雨

六月松峯冷似秋漫空風捲一天愁山當缺處
雲爭入雨正急時泉亂流地險雷霆偏得勢林
深烟靄更難收經旬不破靄霾局無盡心情繞
寺樓

秋日館宿烟水亭次韻兼懷李蒼崖大叅

水繞孤亭一笠空，憑闌鎮日俯蛟宮。參差雪鳥殘烟裏，擦刺霜鱗落照中。冷眼偏宜逢素節，淡懷雅欲對清風。我來不盡甘棠思，先後人心感慨同。

雨棠園過訪釋隱樵

詩僧多傲岸，十載雨棠園。素壁自鵝跡，錦囊空蠹痕。今人吾不薄，古道汝須存。未了平生事，悠悠市隱門。

題竹溪孤逸圖

吳星壽小照

爲愛竹溪好，幽懷寫出無。紅塵相隔絕，白髮獨灌園餘事。

卷六

三

夢縹亭

脚蹶道性由來寂

吳好內煉

吟情此際孤

吳善詩著
有蓮鉢集

六

賢如可作把臂入茲園

五弟雲鶴貼藍感賦

素有登龍志，其如點額回。汝偏迷屢字，天不愛鴻才。蚤信風梧落，空憐露桂開。吾家非世第，努力事梯媒。

章城十五夜值雨

雲暗今宵月，江城黯結愁。離腸偏愛雨，病骨却宜秋。寥落銀燈市，淒涼玉笛樓。故鄉人不見，只合被蒙頭。

寄餅

客中何所有應節餅雙輪對此團圞月因懷離
別人餘甘分愛重薄味寄情真設茗山中事聊
伸秋夜輦

寓齋雜詠

風有清香露有華自開自落檻前花雙頭茉莉

消魂種幾度含情上鬢鴉

茉莉花

秋深籬落一株蘆風葉蕭蕭雨幹孤應自達摩
江上得東來度盡世人無

達摩蘆

澹臺祠

灌園餘事

卷六

四

夢緝亭

澹臺舊跡碧江灘歷歷關情醮露盤鬼唱孤墳
愁雨重靈歸一劍挾霜寒蛟威竟似人心險魚
腹渾同世路難我亦天涯懷寶客更於何處得
安瀾

百花洲

百花開盡一荒洲猶作花時秉燭遊金井落梧
紅照眼畫橋衰柳翠梢頭數聲遠笛羈城暮十
里寒碁旅岸秋私意却憐蕭索境振衣還上月
明樓

孺子墓

徐亭荒澀點斜曛駁落殘碑認舊文西晉已無
開草地南州尙有束芻墳漬綿滴處空流水下
楊招時只斷雲弔古恰逢秋雨後塞鴻鳴咽不
堪聞

滕王閣

一閣凌空鎖暮烟黯然憑弔荻花邊王孫草謝
乖風地帝子魂消滯雨天孤鷺橫江剛九月斷
雲含浦恰千年凭欄不盡興亡恨終古濤聲送
客船

九月舟泊青山

灌園餘事

卷六

五

夢麟亭

九日孤舟峯下住浦鴻嘹唳穴猿哀盤餐野粟
爲精飯鑪煮山茶當嫩醉風疾只聽黃葉下雲
深不見白衣來故園舊有東籬菊辜負寒花趁
節開

阻風

萬里陰雲合寒崖一泊舟恰當匡麓暮偏值蠡
湖秋伎倆憑山鬼風波信石尤掩窓頻聽雨只
替菊花愁

望五老峯

世傳五老入廬山天煉精神地鑄顏只許兒孫

羅滕下

杜詩諸峯羅列如兒孫

不將姓字落人間

客有問石鐘之勝者兼索予詩口占以荅
蘇黃句帶累名山不入詩

讀史

下窮地脈上天文閱世情殷立極君香縷初飄
茗初熟一村紅樹讀三墳
科斗文成紀載長河圖授與造書堂不緣篆籀
垂千古爭識侯岡舊史皇

至今誰按八終新扣角歌殘天地春野性本來
灌園餘事

卷六

六

夢緝亭

拘不得令人長憶葛天民
惟將火德著芳縱者谷無施造作慵鳴鳥不來
歌自杳西風料峭祝融峯

仿石昭垂萬古聞降云登代豈虛文無懷蚤自
誇封禪何世何人不學君

易冠羣經理數俱洛龜河馬驗祥符有庖坐理
渾閒事只畫先天八卦圖

相傳伏女此凌波洛水蕭蕭風雨多自是一靈
貞性在托心那得及東阿

女皇鍊石到今疑一補曾無再破時若道成功

便不朽寧教人世亂網維

青青百草未知名察色磨唇審毒平神釜岡頭
嘗藥處春闈潛聽赭鞭聲

素女哀音久不傳披圖按譜想當年堪憐人鼓
堪憐瑟瑟思非關五十絃

蚩尤唱亂有熊時驅鬼興雲事事奇殺氣至今
消未得壽張猶見亘天旗

誰傳倒影過天宮鑄鼎乘龍撒手空徒令後人
心力瘁橋陵古木泣秋風

白帝何緣得託生渚陵鬱鬱尙含情大淵只合
灌園餘事

卷六

七

夢緝亭

人間奏不似皇娥便媚聲

一徙商邱帝業新好將異表示羣臣能書科斗
等閒事原是通眉帶午人

駢齒方頤繼黑精相傳靈異在初生史稱帝譽
書稱遂知是能呼若個名

羿妻竊藥果飛身月殿清虛不見人若信彤弓
眞射日也應唾手下寒輪

日角龍顏偉丈夫中天儀表古今無平成勲業
均前定一卷黃雲赤帝圖

鳩哺鳩飛怨慕增瑤琴一曲舊填膺歸來舐自

非無謂留得全龐見握登
曲終人遠夢悽悽零落荒祠草樹齊今日分風
難送客一江烟雨鷓鴣啼
百里瀟湘帝女魂靈光只欲近黃昏傷心一帶
湖干筍盡日凌風點淚痕

依依細柳影形孤懲父山名惱俗呼治水家風
堪一振不知曾禱羽淵無
女誌何緣得月精剗兒坪上獨含情刊山澹水
屠坤母却似當年折鬪生

泥因羿室太無倫自溺純狐合殺身何事浪傳
灌園餘事

卷六

八

夢緝亭

宗布祀至今羞殺月中人

曾羞靈驚德難齊已割河山况故妻腸斷蜀民
思未歇殘魂化作杜鵑啼

天下分明屬五臣刑官不與帝心勻自從夏后
私神器漫數征誅恠後人

戲舉狼烟萬國來諸侯從此棄烽臺可憐表裏
山河壯博得佳人笑一回

官家儘可暫蒙塵舉目無非率土人却恠鹿臺
烽火亂是商臣子弔商民

緬想殷周鼎革因警雞正值牝雞晨三千八百

眞兒戲一局全輸兩婦人
域中咸說命維新發粟曾周萬戶貧只恐簿書
編不到西山寥落兩饑人
破斧歸來淚兩行自家骨肉忍相戕如何太伯
先君去不見荆蠻作戰場
貝邱毒發悔前非滿目淒涼對落暉車上雄狐
車下豕虞人載得幾禽歸
故息烟塵淚不乾無言慵對楚王歡楊雄蔡琰
都輕節始信人間念死難

一番傾楚復傾陳回首桑間盡殺身須向卷中
灌園餘事

卷六

九

夢緝亭

塗夏字至今膽顛不祥人

奸謀暗與盜爲親
亦可加君况乃臣
今日劫朝莫跟究
衆中恐有託心人

衛師不發衛城傾
好鶴何辜衆怒生
君亦有天無處訴
斷翎難到九臯鳴

未瞑孤忠不戀吳
東方嗣事蔽餘辜
可憐親盟中軍佐
痛極翻成淺丈夫

世族先亡果在盈
含冤飲泣范家甥
只緣要踐秦庭語
爲助樂祁諧子情

艾豸謠興匕首陳
禁宮難刺審機人
聰明合並

金輪主只恠洪爐錯鑄身

放夏餘殃蚤放桐征商流毒又征東現前因果
誰譚及恠道梵經入漢中
天眷輪流及隴西虞廷考績翳功齊刪書蚤已
終秦誓只有烽烟六國迷

東流舟次述懷十八韻

悽悽途正窮忽忽歲云暮孤舟空復情坎珂悲
前度自惟涼德人蚤被科名誤骨月責完修親
情生嫉妒流言滿鄉縣鄉縣難久住冬闌圖徙
宅抽身借皇路全家出兩湖仇怨日以聚仇怨

灌園餘事

卷六

十

夢緝亭

彼何人因循成回護真如衣匪澣亦復增惶懼
婦本京城女雅善調絃柱今夕果何夕慷慨歌
白兔其詞東復西其音怨而慕曲罷轉悽然深
懷良難訴同是落魄人相看莫相負相看竟相
負交悲廢寢寤雨壓菊花江春生桃葉渡榮謝
不同時人生各有遇願借一帆風催送江南去

擬永巷歌

子別母當念之母別子良獨悲鴻鵠歌聲苦餘
音春薄暮此情勿告汝告汝逢彼怒

遣姬

緣業今生是情乖義不容十年人自杳千里夢
無蹤惟怕重泉見還愁再世逢尋思前度恨只
似坐針鋒

雪後登臺城

梁武今安在臺城霽雪中禪心千古寂帝業一
時空凍合長干雨寒生埭口風可記爲牲日江
山麵市同

春雪有感

留滯秦淮路風高柳線斜三春吟有草上已凍
無花雪壓前朝寺水懸古道家澄清如我志霽
灌園餘事

卷六

十一

夢緝亭

日一登車

春日偕友看梅感賦

梅有以綠萼覆水名者

江梅盡日苦低垂似恨冷花開較遲綠萼竟因
春豔解素心惟許雪華知輕如無力籠烟樹弱
不勝情覆水枝憑仗東風好相護調羹消息恐
寒時

旅次喜晴

一百五日寒霰中今朝且喜對春工後堤柳接
前堤綠下晝花過上晝紅人意得時三月暖馬
蹄疾處一溪風物情久鬱逢晴爽蚤晚烟光漸

不同

滁湖鴛鴦

烟中相狎雨中呼本性鴛鴦不肯孤緣在人間
誰白首靈歸天上只黃姑交飛小礙風牽柳並
宿微驚露滴蒲記否青陵高樹在莫教輕薄泊
滁湖

夜宿關山次楊鶴冲見贈詩韻

他時出處此時期萍水關山卽故知芳草堤邊
縈骨恨鴛鴦湖上斷腸詩

前製鴛鴦詩誌感也楊吟咏不置

君當到

處吟崔灑

原唱無端頓喚空淹夢口爲苦吟崔灑詩

我亦逢人說項斯柳色

灌園餘事

卷六

十一

夢辨亭

青青難作別夜闌更盡渭城卮

臨署剖魚長句却贈周靜堂明府

臨淮之輿水淼茫釣臺駁落柳絲長到此祇覺
塵心息不知身在古濠梁濠梁方鯽大如鯉三
斤五斤搖頰尾漆園老吏對春風盡日垂綸釣
不起志不求魚安用餌但與魚相得於忘機之
烟水我來訪故履名區網得千年不饌餘自非
仙風道骨逍遙吏安得坐南華樓上共剖蒙莊
雙鯽魚

莊子墓

舊是逍遙土一堆無人解道踏青來春闌惟有
離魂蝶日逐飛花上墓臺

過磨盤嶺

磨盤峯九曲一曲一迴腸不惜楊朱泣深懷阮
籍狂路隨山脚轉塵逐馬蹄揚况是悲垂老春
風淚幾行

曉度關山

卽古清
流關也

曉度寒關月山根霧未收馬嘶巖樹杪人跡嶺
雲頭霽色沈蕭寺春陰隱戍樓百年烽火靖荒
落古清流

灌園餘事

卷六

十三

夢緝亭

金陵留別

簪停側有女新寡而妍陰與內條善將修子孟氏清其之謂昔
阮嗣宗與隣女接而不亂美其色也是曰挈眷北渡祖於青
溪是用自刺諫志
別馬得長句一首

漸老逢卿兩鬢妍阮家隣女解忘年若言所否
天應厭但說相依我亦憐飲泣曾歌楊柳曲含
情未撥鳳凰絃如賓如友難爲別腸斷青溪一
棹煙

鑿江謁文信國祠

承相祠堂烟水濱椒糈合報受擒人丹心不死
花麗碧血長凝砌草新天地至今留正氣風

雲從古護孤臣江南江北無窮恨日暮沙塲照
露燐

維揚懷古

雕樓畫閣半黃埃頭頸菱花去不迴此日犁牛
皆御路當時戲馬盡靈臺煙堤綠柳年年恨露
浦朱蓮處處開羨殺風流陳后主幽魂還逐羨
人來

邗上次丁人可韻

十里雕欄五里艤參差樓閣鎖烟霞一池荷葉
空隋苑半嶺松陰認帝家瓊樹夜闌紅豆盡錦
灌園餘事

卷六

十四

夢鱗亭

帆春去綠楊遮蕪城故轍依然在處處調絃奏
落花

晚發吳江

一棹中吳晚江村寂掩扉蛩聲隨岸轉螢火傍
船飛楊路條條錯蘧年事事非戴星復何往冷
露暗沾衣

曾與故陳照磨世楷有徙宅常州之約緣

情阻隔五易星霜今秋至此泣然有作

竄跡荆楚晚移家信少緣人亡三月後

予至常陳亡
已三月矣

約在五年前長笛交情裏扁舟客夢邊到來無

地主歸烏落夕烟

毘陵舟次寄懷謝二皆人用阮亭韻

夜鼓吳江舫空聞岸虫語月落樹蒼茫故人渺
何處衰老夢無憑不到荆溪去

感遇

碧翁垂默默搔首呼不語寒風掃歸路壞宅窟
饑鼠流離轉曦輪但爲造物苦冥搜中天忌完
行迓衆侮雲沈江匝叻叻鬼嘯雨

謁漂母祠

數椽祠屋水雲鄉憑弔高風空夕陽解識英雄
灌園餘事

卷六

五

夢緝亭

眞慧眼能哀窮餓信柔腸如非望報千金紬只
此垂憐一飯長我到淮陰飢欲死深懷母德淚
沾裳

釣臺

一竿淮水上垂餌待魚吞取物不無意謀身翻
自昏因饑投帝子推食釣王孫回首空臺暮烟
波故址存

舟中懷人

一年離別恨偏向此時深雁影秋剛暮螢聲漏
正沈扁舟今夜月千里故人心不斷淮黃水淒

涼淚滿襟

泗亭懷古

泗上亭傾漢業荒一川遺恨半殘陽
功成不得重歸去魂魄空教憶故鄉
重起新豐作比鄰淒涼故國鎖烟塵
沛中父老都移盡更不歸來問舊人

感懷詩却呈仲東山叔太師

小閘停舟雪霰寒孤懷岑寂鬢彫殘
才疎錯惟人情薄命蹇翻疑世路難
十載虛名留日下半生羈跡滯河干
登門合有分憂處長缺歸來一灌園餘事

卷六

十六

夢緝亭

再彈

旅次感舊

掃壁留題處重來百感生
夜闌曾有却歲久忽忘名
霧濕紅燈暗霜侵白髮明
不堪一回首落十年情

贈執鞭者

係兗府諸生

可要名成執御時
半山殘照舞鞭絲
我非晏相君何慕
馬側空嗟太史辭

過蘆溝橋

邊風朔雪入關初
千里征衫一輛車
不是小臣

甘漏稅檢箱惟有讀殘書

都門除夕

臘廿日春夜
有第四句

天街宵不禁燎火萬門開年是五更盡春先十日來祭詩欣有草勞酒愛添盃無復殊鄉思烟籠市駿臺

瓶梅

梅插膽瓶中幽香故國同不緣經臘雪安得占春風幹是因人古花真應候工長安多少樹減却一枝紅

西施

灌園餘事

卷六

七

夢緝亭

暮舞朝歌始破吳功成無復舊時姝須知水堦收成蚤錯說扁舟入五湖

春風秋胡

似曾相識舊垣墻三歲含疑試採桑胡固有妻能一死令名仍屬棄金郎

發市雙壺

日來發市

天情春

井識

灌園餘事 卷七

江州 崔謨 念陵

經陳宗伯故第

石髮成絲草不除春霖閒院正蕭疎攢花壁牘

夫人字

夫人善書殘箋宛在

束笋窻懸太史書睡鴨香留閒

閣日離鸞聲迸捲簾初曲瓊風轉魂銷盡燕泣空梁舊雨廬

題眠雲塢

不工不壑不林塘借擬眠雲白晝長半榻影垂

椒子綠一簾風細棗花香著書惟愛楊雄宅校

灌園餘事 卷七

一 夢緝亭

律偏宜杜甫堂檢得數椽深處住畧無形跡午陰涼

青青河畔草行

青青河畔草鬱鬱庭前柳思君日已遠別君日已久男兒修邊勲所志在不朽倚劍夜看星詎問閨中婦閨中有少婦去去不回首昨夜夢見之雕弓猶在手心魂慘復驚落月懸窻牖君當報明時妾當貞獨守

筌篔引

龍欲飛騰天無雲人欲仕進身無文日月當天

不息燭火海水滔滔納塊容
磯海大河深舂變
所泊春女不婚緣無媒妁

棄婦篇

秋雨滿池塘秋水綠成行
上有並蒂荷下有雙鴛鴦
物各有偶拊心增內傷
內傷復何如蒙棄守空房
天道有不測風雲奪恒陽
地道亦多變瞬息成滄桑
君情如天地安得不更張
昔爲膠與漆今爲參與商
參商雖異地夜夜遙相望
菅蒯貧時服不如翩翩裳
蕉萃微時妻不如齊之姜
引鏡還自照含泣理殘粧
妾貌曾邀寵君灌園餘事

卷七

二
夢縹亭

思不可忘易收盆水覆
難殺藕絲長至人多懷
舊燈蕊昨夜光

上 慎郡王

幽懷不與世塵期
掃盡鉛華只詠詩
白首情深千里夢
朱門分隔十年思
魂銷舊雨難忘處

一時從遊如謝易諸子皆風流雲散不勝今昔之感

目斷秋風易感時
我亦天涯詞

賦客曳裾無計叩彈遲

有感

不到長安已十年
逢迎不是十年前
招窮有說緣詩癖
止謗無言貴道堅
羅雀舊門花寂寂
臥

麟荒塚草芊芊老成衰謝新知少惆悵西風旅雁邊

九日

藥後逢重九臨風却憶家着慵雙屐滑整緩一冠斜雨壓題詩葉烟籠送酒花茱萸看不厭病骨殢天涯

冬日恩師秦金匱司寇贈衣志感

雪霰羈人夢蕭蕭夜正寒着鞭煩祖述

司寇公捐金屬部即祖德

洪製表為謨集冷

據榻問袁安向日雖加愛凌風不解酸

一裘殊未報感泣涕闌干

灌園餘事

卷七

三 夢 繡 亭

思公子

齊梁禮

公子何翩翩迎婚正妙年故遲紫駟馬慵着珊瑚鞭寶蓋黃雲織香車綠水漩紅樓爭擲菓繡閣盡垂涎嫁婿得如此托身非偶然懸知銀燭下側目倚華筵

戰城南

戰城南死郭北野死難收空馬革殘骨裂膚顛倒無相識誰作萬人堆斂魂魄丈夫生不封侯死當爲厲爲疫令賊中冥誅願吾主億萬千年寧

疆域

思悲翁

思悲翁悲翁良可思君有鞶帶或錫之或錫之
更三褫山雞惜羽死奔獸不及踢香臍臯母五
臯子六雜沓飛巢君屋

君馬黃

君馬黃臣馬白兩馬並馳臣馬潔但願與君左
右不堪驅作長揚獵今日太平太平誠可樂安
得汗血龍開邊勤遠畧

上邪

上邪我欲與君爲犬馬叶不敢辭煩苦雨露溥

灌園餘事

卷七

四 夢縉亭

溥天恩寬霜霆肅肅天威寒七尺軀不有軀寸
心安

華山畿

華山畿草萋萋郎旣爲儂死獨活何爲車須爲
儂停棺須爲儂開叶當與郎合墓之華山畿草
萋萋

祖部郎席上擬放歌行

長歌當哭短歌當泣人壽幾何星流電急星電
奔馳不可追勞生碌碌吾何執不如卽時一杯
酒澆我壘塊解我煩惱仰瞻蒼天絕梯弗及俯

靚清流斷縷難汲君不見孔席墨突徒羞澀鬼
唱孤墳陰雨濕

王大宗伯座上追懷先中堂西林夫子得

長短句凡十韻

人在人前人不覺人去河山空綿邈

此則隳括
宗伯語也

我

欲方之天無斗地無嶽天地經緯誰抒柚嗚呼
至寶不雕至文必樸至德無名至人難學薦賢
賢哉多隱擢天下歸心惟吐握君不見老馬伏
櫪思良樂今無其人徒吟喔

擬古傷歌四首

灌園餘事

卷七

五

夢鱗亭

謂天行健乃悔亢龍謂地能柔爰惜牛童江海
能爲百谷宗功且不伐况無功君不見母兄驕
慣稻中散稜稜傲骨人不容

星繁不替月霜重不當雪嘉言亦孔多不解饑
與渴

昔日之日不回頭昔日之水盡東流昔日之事
已陳迹昔日之人成古邱

天乎人乎路正窮父耶母耶西隔東客窻一夜
催春雨不是花紅是淚紅

春懷

流雲細雨暗窻紗
寥聞離人獨憶家
客里病闌逢上巳
羈園魂斷又桃花
低徊舊幕春風冷
檢點殘書暮影斜
不是不歸歸不得
柴門零落鎖烟霞

春夜有感

春宵春雨對壺觴
細數平生淚兩行
入世危如巢幕燕
投身誤似觸藩羊
露髮匏繫秋

水署
繼室

時寄食山左
魚臺縣署

霜鬢旌縣怨玉堂

慨予非玉堂通籍亦
未必賤違膝下至此

眞果一

名頗負我人間從此薄書香

改詩

灌園餘事

卷七

六

夢緝亭

埋却吟頭度歲華
中邊改竄笑塗鴉
讀書似我空三折
下筆如神敢入叉
寧可一生無隻字
不教千古有微瑕
自憐老去偏精細
瘦島寒郊盡作家

上裘叔度少宰

畫後旗亭壁有痕
當時唱和復誰存
人逢

帝眷聲名重位列
天曹品格尊學不
叅元休賀

火詩無賈島謾敲
門詞成風雪今如
夢

少宰贈子詩
有風流雪髯

之分隔蓬瀛昔斷魂

卽感

身閒不與選才場攤飯園林草樹香偶檢繚緗
多舛錯重臨篆籀半荒唐寒蛩砌脚喧殘夢饑
鴿檐牙落夕陽若是銓曹能破劍橫經此際早
分房

悼楚臬劉蘭谷夫子

別路三千里離心十五年忽聞秋不起祇覺夜
無眠峴首消魂石湘中乞骨船公時以告疾歸臬卒烏私情正

切薤露哭雲天

十五夜雨後翫月

人愛團圓月天開匝匝雲先特藏有待此際照
灌園餘事

卷七

七

夢辨亭

無垠星魄已全奪日光還半分莫嫌明較後舉
世望殷勤

秋日得舍弟琪書志感

彈指三年別孤懷一紙書魂消霜降後夢斷鴈
來初天地既生我

聖明其舍諸但聞慈父健無復問蕭疎

寄懷繼室鸞嫫

不彈別鶴已三春同是天涯失路人我冒臣名
腰未折卿耽婦號額空輝

不寐

詩魔不斷又情魔夢到鄉關奈醒何秋菊冷窗
添數本夜闌頻覺雨聲多

志感次童茶山韻

身世飄零不可論蝸涎鴻爪總虛痕蒙塵姓字
慚今古脫俗文章誤子孫雨驛蕭蕭辭櫪馬雲
山落落失林猿邇來更說詩成癖綠釀黃花深
閉門

涿州道中

烽臺雉堞晚烟橫聯絡 皇居百五程人是有
熊開戰伐地從涿鹿起干城日邊鎖鑰金湯固
灌園餘事

卷七

八

夢縉亭

雪下琉璃河 玉帶明萬國星羅歸要路冬闌齊
趁泰階平

經桓侯故里

立馬桓侯里荒祠草樹濃恩惟先主重義却後
人封斷碣三分鼎孤城五夜鐘千年遺像在端
坐一前鋒

安平感舊

即古博陵郡

雨雪安平路吾家尚有村山河縈自在文獻闡
誰存地表王侯墓天哀節義門停車思往事古
甸一招魂

旅夜

雪霰誰憐逆旅貧，檢書漉酒一傷神。
愁多易語天邊鴈，德薄難干世上人。
別夢因循殘骨在，羈懷寥闊晚燈親。
滹沱河畔雞棲夜，惆悵西風兩鬢新。

除日深署卽呈尹衡峯刺史

天際饑驅獨轉輪，殘年落照一孤身。
遭逢似我原無路，慷慨如君得幾人。
官舍乍來猶戀

主星堂，宛在倍思親。

子家世居州郡德星堂其故第也

感新憶舊俱難

遣靜倚寒寮草樹春

灌園餘事

卷七

九

夢緝亭

蕪婁亭懷古

蕪婁故址城之東，荒郊烟草空。
復空傳聞昔日漢天子，晨夜草舍走羣兇。
士衆饑疲不得進，羈宿寒亭粟冽風。
公孫豆粥何處來，糲當其時珍饒同。
詔下不忘倉卒處，珍寶金帛紀恩隆。
如此遇合洵異數，每依大樹羞飄蓬。
乘春踏馬饒陽路，十里五里雨空濛。

寄懷二家叔

十載憂歡半合離，春風旅岸結遙思。
書中只愛敦倫語，夢裏還如繞膝時。
消骨有人今始覺，依

脣無地昔曾知若教懊惱終成怒孤負初心作
護持

寄懷三家叔

竄跡頻年悔悟生天涯回首一傷情事關披髮
身難潔愁極焦唇語尙平祭罷畧修青草墓春
餘諒給白頭兄我緣落魄歸來晚家道扶持仗
老成

東同堂諸弟

吾家世業已蕭然羣季襟懷恐太偏愛父何妨
兼愛叔欺人不可况欺天若還任性憂其後卽
灌園餘事

卷七

十

夢緝亭

此回頭悔以前河嶽日星昭鑒在各留餘分惜
餘年

東內

買舟携子獨還鄉隔歲書來五內傷身倚晚姑
休芥蒂室鄰仇偶慎行藏已知凍餒猜何必縱
報平安恐未嘗汝是青年兼苦節那堪拋擲泣
河梁

松年詩中有白髮枯喪之句子感其意爰

成是章時二月十五夜也

鄉關夢斷旅燈殘檢點詩筒拭淚看鶴鬢板輿

春寂寂蟲絲瓦襯夜漫漫花期最有南天思月
影偏生北里寒結志青雲歸未得爭千古易一
時難

予既留都次子椿年時寄食江南含山縣

署秋懷詩云拾華虛憶東籬晚驚雁遙

知北闕寒蓄意既深含情獨摯因題其

紙尾仍付郵筒寄還

摘句應須摘拾華頰將二語對人誇當時斫手
輸兒輩早信詩各屬杜家

卷綸圖

灌園餘事

卷七

十一

夢綸亭

潘南田小照也志王公大人題詠蓋各詠其詩而
非其詩也命予作序以弁首序既成仍繫一絕句

太平曾怨醉吟無萬里江湖一釣徒不相不候
仙骨在幾人解識卷綸圖

哭南塘老人

老人名光英諱屬同宗情深友愛家報云死於去年七月
七日正子書所云挂夢牽情之時異地相感如是如是

冥隔南塘路羈懷曉夜生惟渠餘至性待我更
多情風雨黃泉恨河山白首盟誰知心動處梁
木應秋傾

轉語

金匱師扎畧趙州云世人都被十二時轉老僧獨轉十二時
有力量則以轉爲轉無力量則以不轉爲轉君當下一轉語

我轉十二時時轉十二我轉轉復轉轉法輪無
非可鼎在水火中交戰任水火

樓桑村

卽漢昭烈故里祠中有題壁詩蓋指此二事
一似先主爲籠絡人者子鄙其意故賦之

不恤皇儲恤趙雲主臣對泣一孤軍誠能動物
明能鑑謾以奸雄例使君
英雄兩立古今難早被神奸裂目看戒後聞雷
眞失箸不關出計賺阿瞞

上谷謁楊椒山祠

春風上谷舊祠傾荒廡殘碑落照明翻藉權臣

灌園餘事

卷七

七

夢緝亭

留諫草却因庸主得忠名苦刑自寫離魂相精
律誰傳結夢情今日莫君何處是一杯須挽汨
羅清

樂城道中

樂國春風觸眼明輕車轉轉又晨征新雛解孝
呼烏哺乳犢懷慈傍母行折柳暗牽今日恨攀
花潛動故園情恒山滹水歸無路一片孤雲遠
岸橫

王莽城

藉權圖篡莽城新令髮衝冠作俑人開却董曹

無限孽兩難疑信後君臣
漢兵取次集城濠一姓重與事僅遭新政未行
機早動錢文無故怯金刀

題栢鄉石人

按野史光武夜至趙州南迷路聞人語問之弗應見二人立傍怒拔劍斬之其一走熟視之乃石也

日落荒郊對語時有情應憶漢官儀如何不指
宵迷路斬者英雄去者誰

英雄俱石名

趙州感懷

按趙州志趙州橋魯般所造張果騎驢過此蹄印現存

鳴鞭過趙城愁逐馬蹄生人戀橋頭蹟仙貪身
灌園餘事

卷七

十三

夢綽亭

後名夢醒花際蝶歌泣柳邊鶯驛路垂垂老春
風萬里情

內邱追懷喬文衣明府

欲訪喬君墓春陰禁火時兩湖多故蹟三世有
餘思

君令下邑已閱三世矣流風餘韻人猶思慕不已

爭購拏龍字堅藏吐鳳詞

故鄉今日酒應得淚沈碑

悲歌

萬點飛花撲馬頭馬上何人不隱憂西墜東昇
日月流惟有華年去卽休一劍燕南路悠悠天
涯何處覓封侯酒肆屠門猶擊筑我請爲君歌

一曲英雄失路愁復愁風雨叢中鬼夜哭

古悲歌

邯鄲故趙都也有接輿歌者音聲悽惋若難卒聽天我不知幾多高地我不知幾多厚則歌中發語詞也遂廣其意擬古悲歌三云

天我不知幾多高地我不知幾多厚但見日燠
月寒來煎人壽吁嗟乎日燠月寒煎人壽安得
日生長夜月生晝君不見螭首佳人鶴髮稀虎
頭健兒雞皮瘦時乎時乎逝水流千金難買顏
再幼趙王城下草離離人歌人哭清明後

名都篇

春雨點榆錢春風吹柳線柳線不穿錢深鎖藏

灌園餘事

卷七

古

蔓緝亭

春院中有絕世人雙眉橫婉變耳懸明月瑤鬢
挿迎歡釧自言良家姝受蒙成鄙賤鄙賤勿復
道時引青銅丐不與似絮身惟怨如花面物尤
天所忌斯言良獨踐豈無充與都欲嫁羞瑜玷
強起作歌舞腸中車輪轉不如椎髻人從一無
中變不如交枝樹不如雙飛燕

折楊柳

陌頭楊柳正欹垂泣雨含風送別離今日兒心
正飄蕩折枝休折帶花枝

春柳春花春可憐留春不住對春眠兒心怕逐

春歸去知道春歸那一邊
不折花枝折柳枝
捧心惟欲鬪雙眉
由來少女多
慈病謾倩神針帶下醫

黃梁夢題壁

一夢黃梁五十秋
夢中歲月儘風流
儂今五十猶無夢
更向盧生借枕頭

登臨洛舊城

臨洛城上草萋萋
臨洛城下水亂澌
趙信故宮空濛雨
車馬不來烏夜啼

經宋璟墓

灌園餘事

卷七

五

夢緝亭

敬亭斷碣鎖烟霞
中葉文章宰相家
賦藉寒英羨藉實
一生得力只梅花

叢臺

天橋雪洞羨人來
急管繁絃樂復哀
見說靈狐皆紫化
年年風雨嘯叢臺

銅雀臺

銅雀春深總帳懸
西陵魂斷草如烟
風流輸與中郎將
不放宮人望墓田

淮陰侯

曾慳出納走謀臣
空有重瞳認不真
進食淮中

推食漢王孫原是趁饑人

留侯

事前信聽惟黃石事後相從只赤松一世奇勳
成順政相君面是婦人容

讀盧雅雨塞外吟三十韻

粵稽三百篇刪餘分四始四始義維何無非敦

倫紀日興觀羣怨所事惟遠邇

論語邇之事父遠之事君
蓋非於忠孝之外別有所

謂興觀羣怨也

慨自古詩亡亂賊多肆起所以春秋作一

字成信史史者詩之遺誰當晰原委

孔子曰詩亡而後春秋作春秋作而後亂

臣賦子懼故曰詩之遺也

商賜可與言往來無滯理作詩必此詩

灌園餘事

卷七

七

夢 緝亭

後世嗤且詆

東坡云豈是此詩而必此詩定知非詩人

離騷起變聲幽思託蘭

芷漢魏忠貞詞觸類亮同此金寶為仁義美人

為君子將心與歌謠寄興調宮徵咽露浣芳情

餐芝發靈髓杜陵得此意直欲繼睢趾竄跡亂

離間積心廊廟裏厥後昌黎翁肝胆相嬾羨其

詠文王操臣罪當誅矣本出七子詩引咎輒歸

已母氏善聖我無令人
文王揀是從此化出

食古貴融化後賢深仰止

公案外吟
到此纔知

臣罪重則又食昌黎而化矣

公處

聖明朝往古難倫擬乃有出塞曲不恤邊庭徙

一字一涕零戀

主情靡已從來至性人所至皆坦履豈復有怨
尤惟見君親是雨露渥天涯霜霰肅萬里疇非
臣子心讀之增嘯啼持是以論詩始得其根柢
根柢在性情古今同芳軌東山一詩壇忠孝宣
妙旨至今齊魯間遺響猶在耳

東故僧明如

君初投胎時何物成交代君既伏魄後此物依
然在不在生死內不在生死外解脫生死緣方
許與君會

寄釋定修

灌園餘事

卷七

七

葭夢緝亭

明如其故姪也拈花微笑未幾
有情是用解脫得古體詩一首

月在溪有光月沒溪光滅欲尋溪月影除非溪
水竭非溪非月空復空大家同證無生說

次彈指小年日寄懷原韵

山重水疊寄書難已殢燕京又殢桓

武安即古桓安縣也

跡後

不知巖路險

彈所居山路險絕嶺有以消魂
名者意世路之消魂又何如也

千餘轉覺寺

門寬攀鱗計拙年方憇扣角歌沈夜正漫記否
北窻分韻雨一爐松火舊尋歡

有懷

莫損紅顏休轉腸今年好互總還鄉最憐夢斷

春頻雨且喜愁多鬢未霜

病後書懷

江湖夜雨鬢髮漸老行藏已不堪藥缺蓂苓

資夢補

病中夢有進蓂湯者咬而醒覺喉吻間猶餘辛味

字訛魚豕借書參心

孤語雖病無已

病多未恤蓮心苦愁重偏憐蔗尾甘若道

明時真棄我干人無益替人慙

輓武安孟嶧山副車卽呈張明府

畿南返櫬渺何年澤骨春風入地偏有子早隨

巢鳥覆

孟父子同卒於都

無人更問網蟲懸挽喪白馬神

交外結客黃金死士邊

明府廉訪其事捐金返櫬且親理塋務

卽此已

灌園餘事

卷七

七

夢緝亭

微陰鷲在却教黔首一潸然

武安七夕

天河不似地河險仙路寧如塵路遠幾見星從

鵲尾過詎聞人待烏頭轉烏頭不白可奈何鵲

尾儵儵填銀河露冷蛸蠹增寂寞不怨秦烏怨

雕鵲

覽古

黃石無書更有書竹戈似鐵原非鐵禁鐵焚書

法空嚴天心早厭秦焰烈劉項生在長城裏枉

竭民膏築萬里

孔雀東南飛行

爲傳三麟妻江佑延作延世胃女甫十七三麟髮亦未髻以避寇合兩月零延舅氏叔奪其志弗克依發姪洪居處約三十年候麟不至卒於金臺山作隱憂序以傳其事子讀而哀之詩以志之共一千二百八十五字

孔雀東南飛去去隔千里千里一何遙鋒烟驚
四起阿延世胃女鬟垂值瓊尾流寇侵我疆父
兄力戰死淒涼懷一劍匿踪幽穴裏雖幸得生
全亦復無生理殘屍塞巷衢流血沾行屣四顧
悄無人惟聞啾啾鬼老嫗突如來倉皇得所倚
城破絕人烟潛渡園橋水燼餘一小室盛婢偕
遷徙婢特解殷勤云有傅家子髮亦不成髻儀

灌園餘事

卷七

七

夢綰亭

容端且美父現官學博兒解讀經史昨朝避鋒
去明日當來還越夕獲見之果如盛婢言時丁
若母難慘色上眉痕同居十二日耳目不內門
仁孝感人心亂離懷所恩阿翁語盛婢問此誰
家媛前街汪指揮世襲守城垣旬初盡義終零
丁一女存小字曰佑延頗知節義尊幼攻操觚
業詩書習復温阿翁感此意遣媒訂姻婚姻婚
甫及笄輒以古人規刺頸吳江女紡績灑陵妻
人生有經權而亦何常師阿郎亦相勗頻申貞
烈詞已稱兄嫂李罵賊節無虧又稱姑姊裴坐

井以待危哀絃休再撥響鼓莫重錘忽傳冠南
折夫婦宵中出雲慘慘天陰雨冥冥路滑步艱
掖還扶鴛鴦驚翻猳促膝止漈籠振衣臨峯嶽
扳石復捫蘿前峯雲樹密班駁金臺字薛痕封
斷褐巖隱老君堂堂傾烟草沒蒙難兩相憐相
憐悲且切我憐金玉躬君憐柔弱質盡日坐窮
岑心驚腸百結因有寫懷聯山中無紙筆倩石
作中書畫此松筠節

隱憂序云因以石畫節封姑射竹義擁闌臺松於門之左右

候暮始

歸來郎復感寒疾痊日覓慈踪出入倨而率恐

非亂所宜相誠何真摯嚴寒夜擁爐火起驚履

灌園餘事

卷七

三

夢緝亭

藝象得離初九履錯無終吉體明不自照剛下
多幽鬱之旅更瑣瑣志窮緣乃絕離之位

東運始復周八宮各生八入入數已窮憂合無

餘日

按傳延通易理常晝夜擁爐忽火起焚其履占之泣日夫
妻至離爻文所謂天而地之日而月之僅六十有四日

翌曉果

從征固陵無寧謚臨岐握手啼生人作死別舅

氏遣人來厝詞頗有倫憐女身無恃舅矜實所

親擇日虔迎女迎女勿逡巡阿延前致語女是

別家人去來難自主敢不教言遵擅離門與戶

舅聞便大怒謂女敢乃爾得無恃州篆公然驕

跋扈乘亂匿婦女於律宜城旦於情類強虜行

當速女寧否當速女苦因與盛婢決生則三日
還不還斯永訣號泣出門去聞者皆嗚咽紫駟
不停蹄香輪無緩轍路墊紅氍毹門懸錦段疋

全屏翡翠閒繡幕芙蓉茁前堂獻瑤樽後堂喧

寶瑟自言親生子年值歲星周盍冠偶靈匹

隱憂

序云言有十一歲
妖狸欲吞我

新姻續舊姻門楣相頡頏佑延仰呼

天淚下如流泉結禱在患難那得不棄捐曾許
以玉碎誓弗求死全突出手中又刺此妖獍肩
衆知不可奪好言相周旋阿延怒不已堅志永

無移網踈驚兔脫籬固觸羝馳赫赫東流水悽

灌園餘事

卷七

三

夢緝序

悽西渡期已中魚腸劍不煩女要離舅姁不自
懲與我計較之踰踰鳥獸前結解心自怡無何
相繼亡誰謂天無知積惡如燂膏消滅不移時
時依伯姁洪知書而早婺繡佛矢長齋慈航所
普渡寄身三十年齒脣無怨惡年當姁不起形
影頻自顧人貌何似初人心亮如故此日值郎
辰涕泣廢寢寤瞥見女魅臨獰惡導前路中有
絕整人窈窕凌虛步雲鬢墮金釵佩聲搖寶璐
娉容何修態腰折裳飄翥注目嘻而言阿妹否
曾悟七九緣之期七七劫之數日至亦已而胡

爲獨哀慕一叱晚閨空魂消三里霧寥閨更何
歸途窮時復暮先是姪好施黃金佈祇園紫氣
丹堂滿慈雲佛宇閒雨花饒諦度松竹遠塵寰
借問重修地無乃舊到山

按傳洪於金臺山頂老君堂增
築菴宇度切尼數人爲焚修所

今迤邐去撫景正悽然際此治平日奚如叔奪
年重來無好路獨往不教還風來何處虎咆哮
岐路間同行皆悚慄難更貞婦顏憂思不能伸
死生何足言遙峯宛蒼翠是延歸宿地別後陵
谷遷乾坤無一是不見舊時門安問門上字念
此同難人悽惋多情思相對兩凝眸凝眸復掩
灌園餘事

卷七

三

夢緝亭

袂變不廢詩書常能孚節義悔岐期在三信有
死無二夫故不我尋我復無夫愧刼期四十九
緣期六十四果應若魅言今日日之至至日始
能悟若魅原非魅爰作隱憂序述此平生事書
石遺矣君一字一行涕大義有糟糠至情無顛
頓情文相與生拊心深伉儷更不人間世寄言
萬萬世

自君之出矣

自君之出矣調絃獨理曲曲終一何哀云是古
黃鵠風雨夜蕭蕭鬼竄幽篁哭柔肢不受歡婉

轉雙眉蹙無人更爲容零落殘膏沐傭粧春復
春庭草年年綠

關廟題壁

是詩潘君已刪棄矣
爲文以記之爰附卷末

漢業偏安號鼎分千年酬義不酬勲未除吳魏
侯能帝纔學春秋武便文

難爲大義諱無乖敵國私恩未可懷若道釋曹
非錯事不應南渡怨金牌

涿鹿之陽有關廟焉俎豆甚盛予題壁云云
歲歷四週人經萬里維揚潘景巖爲子脫稿

請除之子曰子以子詩爲刺關公乎抑尊關

灌園餘事

卷七

三

夢綺亭

公乎必曰刺關公也關公之忠義固已昭天
地貫日月矣世俗之崇信亦已邁周公埒孔
子矣子之刺之者何也曰爲世道人心計也
夫當三國鼎峙之時天眷在魏盡人而知之
則釋曹者天也非公也公不自知也若言眷
戀私恩則又何以處夫股肱干城相托者也
且夫市恩釋仇丁公之已事亦可鑑也乃後
之人彌縫阿奉不以爲過而反云大義是率
天下後世徇私悞國而不知自反也昔周公
征東原非得已予讀鴟鵂破斧未嘗不悽然

流淚乃美其名曰大義則誠大義也石碣以下猶多藉口其貽悞抑何遠也是故學周公而過者或至兄弟之不容學關公而過者或至主臣之多忌而均稱大義何居乎抑亦曲爲說辭以開後世飾過之門也孔子曰觀過斯知仁矣過亦何病惟過然後見君子若必欲文飾其非則是以小人待人吾知聖賢所弗受况關公之心跡昭然千古豈樂庸庸者之彌縫阿奉而貽悞蓋有窮期耶然則子詩之作所謂爲世道人心計非耶嗚呼天地不
缺不能成其大日月不蝕不能成其明周公孔子不過不能成其聖以關公之賢萬不及周公孔子子之刺之者將以周公孔子之道尊之也吾故曰天下之尊公者莫予若也周公之廟唐不釋奠至孔子則先明而還除王號易木主不封不塑尊之者至矣關公則不然其不以待孔子者待公明矣子欲削吾詩則姑削之正恐天下之欲削吾詩者不獨吾子一人也嗚呼茫茫天壤禳灾丐福私意相干是非寧有定論哉

灌園餘事 卷八

江州 崔謨 念陵

聖主重幸江南賦

維天無息維王無逸維我

天王出警入蹕政美躬親道崇遠適時巡幸

舉繼

聖祖之芳徽大典光昭稽先王之舊帙我

皇上御極之十六年肇舉南巡之典至二十

有二載更逢重幸之期年書大有人樂

重熙

灌園餘事

卷八

夢縉亭

一人有慶萬國攸宜江左丞黎望著雲霓之

若明都羣牧迎稱遊豫之遲

天子於是諮輿衆詢庭臣飛丹詔降紫綸羌

形庭其皆脩爰行在以預陳旣絲毫之

不擾復恩沛以無垠蠲糧稅以蘇民困

截銅漕以濟民貧譬夫天欲雨而山川

潤地將雷而草木春以故

王者未出而惠先萬民

綸音甫下乘輿斯駕駕鷺班隨貔貅伍迓奉
文母而疊播隆恩撫黔民而重施雅化前驅過

處無妨陰雨禾苗後隊來時不礙晴烟
桑柘是月也太皞司權勾芒布令風伯
清塵雨師灑徑雲垂涿鹿

華蓋齊飄水圻琉璃

雕鞍互映遍觀冀北雄風漸覽山東名勝
歷山蒼蒼泗水茫茫發揮虞典修飾孔
章已考經而陟岱曾釋奠以登堂

輦道所經恚是聖踪賢跡

翠華到處無非山高水長

念我南邦素稱薄域先聖不經前王罔飭爰
循河而再渡九曲風生旋登岸以遙臨
三吳壤接彼都人士咸雲集以迎

顏勝國山川盡星羅而入

曉維彼淮陰實厓

皇心急流叵測故道難尋濬川止怒葉土防

侵

功宜禹埒

澤並河深至於繁華之域佳麗之城望廣
陵其不遠指邗水以爲程廿四橋頭簫
鼓與寒潮並咽二分月下綺羅共春萼

灌園餘事

卷八

二

夢縹亭

當今爭榮探遺簡於春秋江都道脉訪名踪
於六一蜀嶺閒情由是幸三汊之河臨
京江之口望海勢其欲沉聽江聲而如
吼城仍鐵甕知爲險要之區水溢金焦
洵是崎嶇之阜古聖帝明王當盤固之
墟治平之久肅其旌旗嚴其刁斗盈不
弛師泰宜善後况濱海之雄關沿江之
戍守哉已而梅里迎

鸞鴻山在望地屬荆蠻人稱禮讓芙蓉水

暖波披錦繡之紋罨畫溪深岸幻雲霞

灌園餘事

卷八

三

夢緝亭

之狀旣攬勝於中吳復宣仁於蘇壤再
臨吳都錯繡名墟尋季扎之風流家傳
孝友問言游之文學戶盡詩書江以鶴
名穩稱

鸞鈴之輅印因虎著偏宜

豹尾之車庶靈巖以無飾妙頑石其自如

索禹書於林屋羨角里之茆廬及過震

澤而迨吳山也西湖之勝甲於天下水

傳明聖瑞啟

當今地表金牛祥符

鑾駕斷橋飛絮猶疑殘雪風中孤嶺橫雲
錯認落梅烟以鶴清唳以聞天鐘長鳴
而警夜峯鎮法以西來水朝宗而東瀉
又有楓香之涇蘭渚之亭草粘

翠輦花撲

雲駟是窮越封之秀而探禹穴之靈着夫
龍蟠虎踞之都水繞峯迴之地鑿山斷
壘之方鎮土埋鏐之位六朝宮殿匝地
香塵故國河山環城杳翠

皇帝駕六龍排千駟攬景光宣德意磯邊清
灌園餘事

卷八

四

夢綽亭

蹕燕子依人臺畔開吟雨花照字籬門
五十六所日暖爐烟秦淮二十四航風
迴鼓吹秣陵耆舊爭傳

聖祖重逢南國臣民並慶吾

皇再至花陰肅肅秧鍼簇簇人盡蒙休家無
不足

天子乃揮五絃之琴歌南風之曲百年累洽
按里採風千里重巡遊衢問俗省刑薄
賦尤先婢獨之氓屬治圖安遍舉賢良
之牧於以踴躍八方歌呼四野遮留道

上柳燾花旗爭拜

輿前鳩車竹馬送

鳳輦之難扳望

鸞旂而莫捨大哉克

后春秋足繼

前休允矣成仁法度永昭來者

迎

鑿詩

七言八句十六章

翠華再幸大江南早出蒼垠駕六駮隨處

御題皆疊和隔年民瘼此重探法

灌園餘事

卷八

五

夢緯亭

天按度晨昏警繼

祖巡方雨露單最喜舊人羅拜盡無邊嵩祝又

呼三

迢迢

輦路奉

慈輿不自專恩散里閭孝奏天儀符日月道崇

坤範照車書春生南國偏災後澤播

東朝下降初據史稱巡誰傍母含飴徽覺古人

疎

爲省方隅出

帝畿三吳兩浙望依依
蠲餘雞犬經年靜
後禾麻夾路肥

雲蓋齊飄花陣遠

春旗一色柳絲飛
重賡夏諺竟何似
爭說

皇仁亘古稀

趙北燕南自古今

金根觸慨一高吟
沿堤柳色含新霽
爽岸

花光破曙陰漁唱不驚

天馬下鷗村爭看

帝輿臨湖烟十里
春風路六七年前
曉度心

灌園餘事

卷八

六

夢繼亭

青青齊魯舊曾過
嚮往情懷近若何
已

事東巡還陟岱無妨
南適更臨河山環

不注飄

華罕路逼靈光響
玉珂舜孔有書編
不到

邇來吳越集

恩多

南北雄圖德水垠
迎

鑿士女集如雲沈郎
添鑄銅平截劉晏先

趨米半分

雉嬰風生花激灑

龍旂雨霽鳥慙慙民間預荷

天恩重黃紙星飛到處聞

御舟停處是淮陰河患年來屨

聖心分勢已非前度急濬流似較往時深

烟漠漠籠堤柳輕浪悠悠泊水禽鵲岸

歡聲連下相小民重慶

帝重臨

駐蹕維揚憶昨年春城春柳總依然潮來

極浦三更月花簇遙山一抹烟重疊

恩臨紅軟地淺深

灌園餘事

卷八

七

夢繡亭

澤播綠沉天玉樓十二人如舊流水那溝咽

管絃

萬里長江一綫痕金山

清蹕好重論潮迴鼓角嚴京口日上旌旗

肅海門六次閱操懷

聖祖兩番恤旅更

文孫可知防險惟行慶應有耆年說

舊恩

春闈

萬乘歷荆溪水畝山村處處犁申浦烟採

芳草綠鴻岡雨挾藥苗齊泉漱

祖製留真蹟路轉

皇輿續舊題

恩遍中吳人不擾一堤官柳轉黃鸝

錦城繡壤古姑蘇佳麗還同上屈無人

以媚茲重獻技

帝緣錫爾再遊衢花搖香水歸文藻烟染靈

巖入畫圖恠道六街簫鼓劇

聖人今日幸名都

梅市楓涇處處留

灌園餘事

卷八

八

夢繡亭

御烟時迸六橋頭宋陵未必邀

宸藻禹穴差堪紀

睿遊

帝芝蓋拂雲山點黛

蘭橈衝霧水如油重來喘不緣名勝海國

春風

聖澤流

六朝金粉已烟塵點綴芳蹤慶

再巡但有文章推沈沈謝更無事業數梁陳

霓旌拂柳青溪曉花燿迎

鑿白下春前度

御題今復和秣陵風雨亦精神

龍虎名區古帝都

春巡典禮邁前虞不封嶽鎮何王似但謁

明陵舊史無桃葉渡雲聞欸乃杏花村

雨看屠蘇他年若做幽風例也繪南朝

沐

幸圖

春月春花春已闌家家綵徑欲扳

鑿百年士氣

灌園餘事

卷八

九

蔓籬亭

君恩重一曲農歌

輦道寬到處阜財應天市隨時舉廢務冬

官四民只在江南北無限輿情萬國歡

乘春布令奉無私

德澤南巡下播時露氣早霽迎穀草華先

照向輪葵何須身受纔知感况乃中藏

未報思言泛朝宗江漢水不辭千里覲

皇儀

駐蹕棲霞

七言四句二十四首

棲霞勝跡冠東南

雲輦縈迴草木酣試上最高峯一望羣山

低亞水拖藍

樓霞寺山

靈巖終古鬱崔嵬面目無因見本來一

自

御遊山氣歛而今始可暑天開

天開巖

萬古摩雲第一峯衆山環抱似朝宗侍

臣鹵簿分巒列更上層霄駕六龍

中峯

玲瓏山腹佛爲胎石本無心衆竅開千

法歸根惟一法點頭還待

聖人來

千佛嶺

灌園餘事

卷八

十

夢緝亭

借擬金莖媚

至尊一峯晴出攝山根攝生有藥誰承露應

有仙人注紫盆

紫盆峯

巖如疊浪銷春烟松遮濤聲

輦路邊

天子輿疑翔鳳艦侍臣馬似逐龍船

登浪巖

陰陰灌莽別藏春

清蹕憐渠不世塵却喜遺賢都入彀日長

空谷斷無人

遺谷

蓮瓣流香界綠谿清芬歲歲並招提絲

無評鶻姑名外眞品還邀

御筆題

品外泉

石髓迴瀾兩岸春錫名白鹿豈無因南

朝一例懷高蹈更不銅牌獻

紫宸

白鹿泉

山泉噴沫盡成珠贏得

君王一顧無恰似朝臣分品注螺呵官雨及

葱符

珍珠泉

乳竇流雲一澗深泉迴幽壑晝沉沉土

膏澤物資坤母早愜吾

灌園餘事

卷八

十一

夢辯亭

皇保赤心

白乳泉

駐蹕春山霧開草茵花幕上高臺何人

宴坐名空在啟迤羣臣獻壽杯

宴坐臺

萬點春山一月來

五明宵映合登臺太清寶鑑空如許絕似

皇衷照入垓

明月臺

誰鑿石像貼浮圖眉髮森森一寸軀已

淨六根還巧塑

聖明在上敢言無

舍利塔

梵言般若即聰明雲霧山空礪道清不

夢中是我

皇親駐蹕閒堂誰與踐佳名

殿若堂

半畝寒泉一笠亭試茶應得火前青紫

玉茸香細邀

宸眷補入靈芽陸羽經

試茶亭

聞說織山多白雲白雲千載並徵君一

經

清蹕山容改冒上蓬萊五色分

白雲菴

疏巖剔藪五雲中春霽

臨軒際會同

灌園餘事

卷八

十三

夢緯亭

聖主光華符曉日侍臣節操似清風

清風軒

何年締造攝山祠可記清壇受戒時慣

向此間稱地主

乘輿到處否曾知

新尚祠

繡嶺參差此故墟巖花稠草洞天如山靈

寬眷不昧春風軟相送

君王顧草廬

明徵君故宅

佛真何自得飛來遺寺分明對北開早

信

履中天子至等閒不與外人猜

飛來佛

千年松老忽成薪偏值

宸遊匝地春獨不待

恩休惟女支離爲淦六朝塵

六朝
松

一拳獨醒幾千春骨重神寒攝水濱今

日迎

盤翻似醉可知卿是媚茲人

醒石

誰識山中立辨聲如懸如折待

君鳴他年許脩承雲奏也合黃鐘集九成

磬石

廻鑾後次盧雅雨都運紅橋修禊原韻四首

紅橋春霽試輕舟保障

湖名

重開水逗遛

灌園餘事

卷八

十三

夢縉亭

飛閣宛聯蓬島路

離宮合擬帝王州感時觸緒情難已對境

懷

恩志未酬夾岸園亭堪禊飲落花無數撲吟

頭

歐蘇勝跡已移年禊事重修曲水前

西園

曲水爲二
十景之一
二三過留亭春柳岸數椽遺構晚

松巖節逢薰草浮金笋人卜油花上畫

船名士岡頭惆悵在烟沉瀦汊嫩荷圓

二十四橋春水通冶春舊社竹樓東行

行柳砌千條露曲曲蓮塘一棹風雲棧
曉憑花漱灩山亭遠眺樹空濛正逢上

已懷司李誰繼詩壇碧漲中

原唱儼在明湖
碧漲中自註漁

洋台春詞邪僻未似明湖好
名士軒頭碧漲天此一時也

兩岸樓臺照眼明中流軋軋扣舷聲幾
行羅綺爭春艷何處笙簫入夜清無古
無今邗上月一觴一詠廣陵城使君別

有消魂曲

絕代消魂王阮
亭消魂字本此

山左詞華格調更

漁洋韵歌雅雨詞興邪
上風流盡屬山左矣

再疊前韻四首

灌園餘事

卷八

十四

夢緝亭

湖上亭臺湖下舟小秦淮畔景光迺

紅橋

一名小

煙開楊柳陶彭澤水溢芙蓉薛播

秦淮

道衡昔昔鹽
水溢芙蓉沼

六一惠餘重整飭東南羨

盡疊賡酬低徊

輦路剛三月月在城西花在頭

題詩合記永和年絕世風流在眼前十

里煙生平楚盡一聲鐘出暮雲巔空城

早趁紅橋酒繞郭齊登上已船曲譜蘭

亭真勝事

琴曲有
蘭亭操

柳垂寒砌露珠圓

聞說錦江江脈通好春只在舊城東四

橋船泊荷錢雨兩岸人披柳帶風夢斷
十年花黯淡跡留三過樹冥濛臨流觸
慨非前度多少樓臺錯繡中

春柳春花春路明春朝不斷管絃聲
螭頭別院雙峯麗雁齒重欄一水清祇自
循橋懷舊社更誰搖柁唱新城遊將卜
夜歸來晚袂飲何妨鼓再更

07357

灌園餘事

卷八

七

夢緝亭

蘇軾東坡先生詩集卷八
灌園餘事卷八
春柳春花春路明春朝不斷管絃聲
螭頭別院雙峯麗雁齒重欄一水清祇自
循橋懷舊社更誰搖柁唱新城遊將卜
夜歸來晚袂飲何妨鼓再更

蘇軾詩集卷八
灌園餘事卷八
七
夢緝亭

